



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726-400
fax. +387 33 726-423
e-mail: info@voda.ba

Broj: **UP-1/21-2-40-138-2/24**
Datum: **28.03.2024. godine**

«Agencija za vodno područje rijeke Save» Sarajevo rješavajući po zahtjevu «Agencije za vodno područje rijeke Save» Sarajevo, podnesenom putem «Sektora za realizaciju investicionih projekata», za izdavanje vodne saglasnosti za uređenje desne obale rijeke Bosne na lokalitetu uzvodno od izvedene regulacije (dionica I) u naselju Preko, općina Žepče, na osnovu člana 109. stav (1) tačka 14. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22) **donosi**

RJEŠENJE **o vodnoj saglasnosti**

1. Investitoru, «Agenciji za vodno područje rijeke Save» Sarajevo daje se vodna saglasnost za uređenje desne obale rijeke Bosne u dužini cca 110m na lokalitetu uzvodno od izvedene regulacije (dionica I) u naselju Preko, općina Žepče na osnovu tehničke dokumentacije:
 - *Glavni projekat – Regulacija rijeke Bosne kroz Žepče, dionica I na desnoj obali u dužini cca 110m uzvodno od uređenog dijela i dionica II na lijevoj obali u dužini cca 550m nizvodno od uređenog dijela, urađen od strane «IBIS» d.o.o. Zavidovići (broj: 38-IB-G-1/22, august 2022. godine) te revidovan od strane «ES HYDROTECHNICS» d.o.o. Sarajevo, mart 2022. godine*
- Ova vodna saglasnost može se koristiti isključivo u postupku pribavljanja odobrenja za građenje a u skladu sa Zakonom o prostornom uređenju i građenju Zeničko-dobojskog kantona.
2. Vodna saglasnost se donosi na osnovu pregleda dostavljene tehničke dokumentacije iz tačke 1. dispozitiva ovog Rješenja koja se ovjerena vraća podnosiocu zahtjeva na trajno čuvanje i čini sastavni dio Rješenja a ista će se koristiti u postupku pribavljanja odobrenja za građenje.
3. Vodna saglasnost se donosi na temelju dostavljene projektne dokumentacije pod sljedećim uslovima:
 - 3.1. Sve radove na uređenju desne obale rijeke Bosne na lokalitetu uzvodno od izvedene regulacije u dužini od cca 110m (dionica I) u naselju Preko, općina Žepče u cilju poboljšanja uslova tečenja i sprječavanja štetnog djelovanja voda izvesti u skladu sa ovjerenom tehničkom dokumentacijom iz tačke 1. ovog Rješenja, tj. na način utvrđen u opisu tehničkog rješenja i tehničkih uslova izvođenja radova, a u skladu sa uslovima iz ove vodne saglasnosti.
 - 3.2. Korisnik vodne saglasnosti je u obavezi da u skladu sa zakonodavstvom iz oblasti građenja angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 3.3. Korisnik vodne saglasnosti je dužan da uredno vodi dnevnik rada sa tačno definisanim lokalitetima iskopa, dubini iskopa, izvađenim dnevnim količinama i svim ostalim podacima koji se uobičajeno vode kod ovakve vrste radova.
 - 3.4. Tehnologiju izvođenja radova prilagoditi uslovima na terenu, uz odgovarajuća osiguranja ljudi i materijalnih dobara.
 - 3.5. U toku izvođenja predmetnih radova, iskopani materijal i nastali otpad se ne smije ni privremeno odlagati na zemljišnu česticu «vodno dobro», odnosno unositi u vodotok i na njegove obale.
 - 3.6. U toku izvođenja radova, neophodno je poduzeti sve potrebne mjere zaštite da predmetnim aktivnostima ne dođe do nastanka štete ili nepovoljnih posljedica po vode i vodni režim (erozija obale i korita vodotoka, pogoršanje kvaliteta vode i dr).

- 3.7. Planom organizacije gradilišta koje će se formirati u funkciji provođenja predmetnih radova, treba osigurati da mjesta za smještaj građevinske mehanizacije, tečnih goriva i maziva budu locirana izvan nivoa velikih voda i na takvoj udaljenosti da ne mogu imati negativan uticaj na vodotok.
- 3.8. Tokom izvođenja radova, treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
- 3.9. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima i izvan zone uticaja na površinske i podzemne vode.
- 3.10. Nakon završetka radova na predmetnom lokalitetu neophodno je radni pojas koji uključuje korito, inundacioni pojas i obale rijeke Bosne urediti i očistiti od gradilišnog i drugog otpada.
- 3.11. Podnosilac zahtjeva je obavezan ispoštovati uslove iz Rješenja o urbanističkoj saglasnosti UP-I-Broj:03-19-1-52/24 izdatog dana 11.03.2024. godine izdatog od strane Službe za graditeljstvo i prostorno uređenje Općina Žepče,
- 3.12. Sve eventualne kolizije sa postojećim infrastrukturnim objektima (instalacije vodovoda i kanalizacije, elektro i sl.) na lokalitetu na kojem će se vršiti radovi, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatora koji upravlja tim objektima i instalacijama i isti će dati tehničke uslove za izvođenje ovih radova.
4. Ukoliko se izvođenjem radova na uređenju desne obale rijeke Bosne u naselju Preko na predmetnom lokalitetu u dužini od cca 110 m ili drugim aktivnostima vezanim za predmetne radove prouzrokuju štetne promjene režima voda, prouzrokuju štete i naruši stabilnost korita i obala rijeke Bosne ili nanesu štete trećim licima, podnositelj zahtjeva je obavezan uzroke nastanka štetnih promjena otkloniti, a nastale štete nadoknaditi o vlastitom trošku.
5. U slučaju vanrednih situacija, havarijskih onečišćenja i drugih sličnih okolnosti koje bi nastupile u toku izvođenja radova i ugrozile kvalitet voda, obavezno izvijestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
6. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
7. Kada period izvođenja radova bude tačno preciziran, korisnik vodne saglasnosti ostaje u obavezi da najmanje sedam dana ranije obavijesti Udruženje građana sportskih ribolovaca «Bosna-Žepče», koje je korisnik ribolovnog prava na ovom ribolovnom području, o početku izvođenja radova u koritu rijeke Bosne na predmetnom lokalitetu u naselju Preko, općina Žepče.
8. Ukoliko se prilikom izvođenja zemljanih radova pojavi višak materijala iz iskopa a koji ne bude iskorišten za predmetne radove na uređenju desne obale rijeke Usore na predmetnoj dionici, potrebno je isti odložiti na deponiju izvan vodnog dobra, a sve u skladu sa uputama Investitora i Nadzora, tj. korisnika ove vodne saglasnosti. Materijal koji ima svoju upotrebnu i tržišnu vrijednost (pijesak, šljunak...) koji će se eventualno pojaviti kod predmetnog uređenja, treba obuhvatiti Ugovorom u skladu sa odredbama člana 19. stav (2) i (3) Uredbe o načinu dodjele prava za vađenje materijala iz vodotoka («Službene novine Federacije BiH», broj 58/15).
9. Korisnik vodne saglasnosti je dužan da prije početka izvođenja radova u saradnji sa nadležnim službama Općine Žepče riješi imovinsko pravne odnose na lokalitetu izvođenja radova, na mjestu formiranja privremenih gradilišta, pristupnim putevima i deponijama za odlaganje nanosa i materijala izvađenog iz korita.
10. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
11. Ova vodna saglasnost prestaje važiti istekom roka od dvije godine ukoliko u tom roku ne bude pribavljeno odobrenje za građenje i započeti radovi na uređenju desne obale rijeke Bosne u skladu sa tehničkom dokumentacijom iz tačke 1. dispozitiva ovog rješenja.
12. Ovo rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Investitor, «Agencija za vodno područje rijeke Save» Sarajevo putem «Sektora za realizaciju investicionih projekata» Agencije je podnio zahtjev dana 20.03.2024. godine za izdavanje vodne saglasnosti za aktivnost - uređenje desne obale rijeke Bosne u dužini cca 110m na lokalitetu uzvodno od izvedene regulacije (dionica I) u naselju Preko, općina Žepče a u postupku izdavanja odobrenja za građenje.

Uz zahtjev je dostavljena i pregledana sljedeća dokumentacija:

- Kopija Aktuelnog izvoda iz sudskog registra broj: 065-0-RegZ-14-002716 izdatog dana 21.04.2014. godine od strane Općinskog suda u Sarajevu,
- Kopija Obavještenja o razvrstavanju pravnog lica prema klasifikaciji djelatnosti broj: 07-32.5-45391/12 izdatog dana 11.12.2012. godine od strane Službe za statistiku za područje Kantona Sarajevo,
- Kopija Uvjerenja o poreznoj registraciji izdatog dana 14.12.2012. godine od strane Porezne uprave Federacije BiH - Kantonalni porezni ured Sarajevo,
- Kopija Rješenja o prethodnoj vodnoj saglasnosti broj: UP-1/21-1-40-125-3/23 izdatog dana 07.04.2023. godine od strane «Agencije za vodno područje rijeke Save» Sarajevo,
- Kopija Rješenja o urbanističkoj saglasnosti UP-I-Broj:03-19-1-52/24 izdatog dana 11.03.2024. godine od strane Službe za graditeljstvo i prostorno uređenje Općina Žepče,
- Saglasnost Udruženja građana sportskih ribolovaca «Bosna-Žepče» broj: 03/02/24 upućena Službi za graditeljstvo i prostorno uređenje Općina Žepče,
- Izjava Općine Žepče broj: 03-19-1-52-2/24 od 16.01.2024. godine o riješenim imovinsko-pravnim odnosima vezano za izdavanje dozvole za uređenje desne obale rijeke Bosne kroz Žepče «dionica I» u dužini cca 110m na lokalitetu uzvodno od uređenog dijela,
- Glavni projekat – Regulacija rijeke Bosne kroz Žepče, dionica I na desnoj obali u dužini cca 110m uzvodno od uređenog dijela i dionica II na lijevoj obali u dužini cca 550m nizvodno od uređenog dijela, urađen od strane «IBIS» d.o.o. Zavidovići (broj: 38-IB-G-1/22, august 2022. godine) i revidovan od strane «ES HYDROTECHNICS» d.o.o. Sarajevo, mart 2022. godine.

U provedenom dokaznom postupku koji je prethodio donošenju ovog rješenja utvrđeno je sljedeće: Investitor je za potrebe izvođenja radova na uređenju desne obale rijeke Bosne na lokalitetu uzvodno od uređenog dijela u dužini od cca 110m u naselju Preko, općina Žepče (dionica I) angažovao projektnu kuću «IBIS» d.o.o. Zavidovići koja je uradila Glavni projekat «Regulacija rijeke Bosne kroz Žepče, dionica I na desnoj obali u dužini cca 110m uzvodno od uređenog dijela i dionica II na lijevoj obali u dužini cca 550m nizvodno od uređenog dijela» august 2022. godine. Projektna kuća «IBIS» d.o.o. Zavidovići posjeduje ovlaštenje za izradu projektne dokumentacije prema Pravilniku o uslovima i kriterijima koje mora ispunjavati pravno lice za izradu dokumentacije na osnovu koje se izdaje vodni akt («Službene novine Federacije BiH», broj 17/18 i 38/12). Urbanističke uslove za uređenje desne obale rijeke Bosne kroz Žepče na predmetnoj dionici I u dužini od 110m uzvodno od uređenog dijela podnosiocu zahtjeva je kroz Rješenje o urbanističkoj saglasnosti izdala Službe za graditeljstvo i prostorno uređenje Općina Žepče.

Dostavljena projektna dokumentacija iz tačke 1. dispozitiva Rješenja urađena je u skladu sa uslovima datim u Rješenju o prethodnoj vodnoj saglasnosti broj: UP-1/21-1-40-125-3/23 donesenom dana 07.04.2023. godine od strane ove Agencije a za aktivnost na uređenju desne obale rijeke Bosne u dužini od 110m (dionica I) u cilju poboljšanja uslova tečenja i sprječavanja štetnog djelovanja voda, te je shodno članu 114. Zakona o vodama, upisivanjem broja i stavljanjem otiska pečata ove Agencije na tehničku dokumentaciju data vodna saglasnost na istu.

U projektnoj dokumentaciji su priloženi opisi i nacrti uobičajeni za ovaj nivo projektne dokumentacije (za dionicu I i dionicu II posebno). Za dionicu I priložen je situativni prikaz projektnog rješenja za planirane radove uređenja desne obale rijeke Bosne sa pozicijom stabilizacionih pragova u mjerilu M 1:500; uzdužni profil u mjerilu M 1:100/1000; normalni profil u mjerilu M 1:100; poprečni profili u mjerilu M 1:100 (od PP1 do PP7). Početak dionice I se poklapa sa krajem ranije izvedenih radova na desnoj obali a kraj navedene dionice je iza ušća potoka na stacionaži 0+154,10.

Projektom je predviđen način uklapanja sa izvedenom nizvodnom regulacijom. Stabilizacija kosine korita predviđena je pomoću kamene obloge debljine $d=30\text{cm}$ koja je položena na sloj podložnog betona debljine $d=10\text{cm}$. Ispod sloja podložnog betona predviđen je filtersko tamponski sloj debljine $d=20\text{cm}$. Kamena obloga oslonjena je na nožičnu AB gredu zaštićenu kamenim nabačajem. Na kraju kamene obloge projektovana je AB završna greda. Na rastojanju ne većem od 6m projektovane su poprečne AB grede. Za dreniranje kosina obale predviđene su barbakane. Usvojen je normalni poprečni profil trapeznog oblika sa nagibom kosine 1:1.5 identičan normalnom profilu na ranije izvedenoj nizvodnoj dionici. Na udaljenosti od 1m u odnosu na novoprojektovani rub obale projektom je predviđen AB parapetni zid koji će se uklopiti sa već postojećim zidom na ranije izvedenoj nizvodnoj dionici. Iza obložene kosine planirano je uređenje zaobalja na način da se isto humunizira.

Uređenjem desne obale rijeke Bosne na predmetnom lokalitetu, te izgradnjom objekata za zaštitu od poplava na predmetnoj dionici I obezbjeđuje se proticajni profil, stabilizacija desne obala rijeke Bosne te sprječava štetno djelovanje voda.

Na temelju utvrđenog činjeničnog stanja i dostavljene dokumentacije, a u svrhu poboljšanja hidromorfološkog stanja vodotoka, dinamike prirodnog procesa tečenja i smanjenja opasnosti od nastanka šteta od poplava, na osnovu člana 109. stav (1) tačka 14., a u vezi sa članom 114. Zakona o vodama i članom 17. stav (1), tačka 13. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), riješeno je kao u dispozitivu ovog Rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.ing.građ.

Prilog:

- Ovjerena projektna dokumentacija: Glavni projekat – Regulacija rijeke Bosne kroz Žepče, dionica I na desnoj obali u dužini cca 110m uzvodno od uređenog dijela i dionica II na lijevoj obali u dužini cca 550m nizvodno od uređenog dijela, urađen od strane «IBIS» d.o.o. Zavidovići (broj: 38-IB-G-1/22, august 2022. godine).

Po ovlaštenju
Rukovodilac sektora za izdavanje vodnih akata


Haris Ališehović, dipl.ing.građ.

Dostaviti:

- «Agencija za vodno područje rijeke Save» Sarajevo - Sektor 30 (prilog)
- AVP Sava, ISV - vodna knjiga
- Sektor 40 – arhiva
- Oglasna ploča AVP Sava